

Xujun xi tjun kits'ínkjihí nda postru Pablo Timoteo

B'i ts'ín kikjaniñaha Pablo Timoteo

¹ An Pablo, an xi kama nku nda postruhu Jesu-cristo xi nkú ts'ín y'éjña Ntjaná xi ts'ínk'ankiná ko Jesucristo xi tichuyáhaá. ² Tífaniñaha Timoteo, ji xi ntína at'aha nkuhú xi s'ejinná.

Katsjáhi kjuanda ko kjuajyu Ntia Na'miná ko Nda Ntjaná Cristo Jesu ko nda katasehi.

B'i ts'ín kitsúyaha Pablo Timoteo ni xi tjihin nga ts'ínkojá maestru xi tsank'á

³ Xi nkú ts'ín tsankihi nk'ie nga ngjia ante Macedonía, tinchin nanki Efeso kixihin ko t'ech'óihí xuta xi najmi b'a tjín ni xi tibakúya, ⁴ at'aha éenchá xi nchja xuta ko xi nkú ts'ín nibatuts'ihin ra ntje cháha tít'sinsihin. At'aha yo nibáha ra nga b'ésiko xinkjín xuta. Najmi basinkoná nga n'eé xá xi kitsjáná Ntjaná. Nga ní s'ejinná, kui ní nihi xi basinkoná.

⁵ Mjena nga s'e kjuatjo, kui kjuaha nga tsankihi ra nga k'úéch'oho ri xuta xu'bo. At'aha nk'ie nga je animaha xuta ko je s'eya kjuankjintak'uhun ko ngayjehe k'un ts'ín s'ejin Ntjaná, yo ní nibáha ra kjuatjo. ⁶ Tjín xi ja ngji t'axihin ni xu'bi. Kindyja-jihin niyoó ko tsichujnejin én xi najmi tjihin sin. ⁷ Já maestruhu kjuatéxumaha Ntjaná mjehe ts'ín ma yjoho, ndaha tsa najmi mankjihin ni xi nchja ko chuba b'ahá tsu nga b'a tjín ni xi bakúya.

⁸ Yaá nga nda kjuatéxumaha Ntíaná tsa sakúya xi nkú ts'ín tjíhin nga sakúya. ⁹ At'aha yaá nga najmi xuta xi ma naxu nginkun Ntíaná tíjñanehe kjuatéxumoo. Xi najmi nt'é'én ní tíjñanehe kjuatéxumoo, xi najmi benkjún Ntíaná kō ts'ín ngatitsun, xi najmi ts'ín ni xi naxu tjin kō najmi benkjún ni xi ts'e Ntíaná, xi ts'ínk'ien na'mihí kō ts'ínk'ien naaha kō ts'ínk'ien aníma, ¹⁰ xi chuba fantukohó xinkjín, xi na, xi batéña xuta musu, xi nchja én tsank'á, xi najmi ts'intjusun ni xi ts'ínkie Ntíaná nga ts'ín, kō xi ts'ín tu mí nihí ni xi fi kontraha ni nda xi bakuyáa. ¹¹ At'aha ni nda xi bakuyáa, yo nibaha ra én nda tsu chánkaha Ntíaná xi n'etsjohō. Kō an kik'ajina nga k'uenjímíá kui én nda tsuu.

B'i ts'ín títsjáha Pablo máb'achjíhi Cristo at'aha kui kits'ín maha nku nda postru

¹² Tsjaha máb'achjíhi Nda Ntíaná Jesucristo xi tsjá nga'yúnna, at'aha tsasejnuna nga kamana ts'ian xaha, ¹³ ndaha tsa ch'on ts'ín kinchjané nistjin nk'ie kō kitsjennkí unkie xuta xi ts'e kō én ch'on tsu kixihín. Tunga kama nímahá ra an at'aha najmi be ni xi kits'ian kō najmi kjee kui s'ejinna. ¹⁴ 'Yún nda kits'ínkōna Nda Ntíaná kō kitsjána nga kui s'ejinna kō kitsjána kjuatjo xi kui nibaha ra.

¹⁵ Én xi ma n'e s'ejin xu'bi kō ngayjee xuta tjíhin nga ts'ín s'ejin, nga Cristo Jesu j'ai asuntei tu xi j'ai ts'ínk'ankihi xuta ngatitsun, b'aha ra an xi 'yún tjinna jé. ¹⁶ Tunga kuihí kjuaha kama nímaha ra an Ntíaná, tu xi nk'ie nga chahana an xi 'yún tjinna jé, kuakúchjhi Jesucristo ngayjee kjuatsentaha. B'a

ts'ín kis'ejña chubayaha ra an xuta xi askahan s'ejihin Jesucristo ko sakúhu nga k'úentu tík'un sín. ¹⁷ Kui b'a maha, ikayankjún ko kats'ínkie yjoho xuta nga tjihin kjuachánka santaha tu nkjéhe ni Ntjaná xi Nda rej xi batéxuma sín, xi najmi maha 'me, xi najmi ma chji, xi nku tutu Ntjaná maha! B'a katuma.

¹⁸ Ji Timoteo, xi nkúhu tsa ntína ji, ja kuaxinyaha ni xi n'ei. Én xi kitsjáhi já xi kinchja én xi kitsjáha Ntjaná nibáha ra kui nii. En xi incha kitsú kuasinkohi nga nda kuitjusun xá xi tín'ei. ¹⁹ Ndjá tisinjñajin ni xi s'ejinná ko je kas'eya kjuankjintak'uhin. At'aha tjin xi ja kits'ín t'axín ni xu'bi ko b'a ts'ín kits'ínndyjajihin ra yjoho. Najmi ta s'ejihin ra Ntjaná. ²⁰ B'a kamat'ain nda Hime-neo ko nda Alejandro. Kui jóo xi ja kits'ínkjas'en aya ntsja ndanindo tu xi katehe nga tjihin nga skuenkjún Ntjaná nga kuinchja.

2

B'i ts'ín tsakúya Pablo ni xi n'e aya ninku

¹ Títjun títbankia nga xuta ninku katankihí Ntjaná ni xi machjéhen. Kanchjako ko katankintjái ngayjee xuta xi tjin ko katsjáha máb'achjhi nga nda tít'ínkoho. ² Kanchjantai já rej ko ngayjee já xi tjihin xá, tu xi kjuajyu ko kjuanch'án s'ehená nga kuintsubaá ko tu nku chankjúhunná Ntjaná ko nda kuintsubaá. ³ At'aha kui ni xu'bi xi nda ko sasihin Ntjaná xi ts'ínk'ankiná. ⁴ Mjehe Ntjaná nga n'ek'anke ngatentee xuta ko nga kuichú mankjihin ni xi naxu tjin.

⁵ At'aha nkuhú maha Ntíaná kō nkuhú maha nda xi nchjantjai xuta nginkun Ntíaná. Jesucristo, kui xi nda xu'bo. ⁶ Kui xi kitsjá yjoho nga y'échjintjai ngayjee xuta. Kui niu xi kik'inyaha xuta nk'ie nga tsichu nistjin xi y'énda Ntíaná. ⁷ Kui kjuaha nga kin'e mahana nku xi b'énijmí én nda tsuhu Ntíaná, nku nda postru. Kjuaxi ni xi tíxian. Najmi túb'anacha. Kin'e mana nda maestruhu xuta xi najmi ntje judio tjeheñ ra tu xi kuakuyaha ra ni xi tjihin nga s'ejihin, ni xi naxu tjin.

⁸ Kui b'a maha, mjena nga tu má antehé ni kanchjakō Ntíaná jáx'iun, katjénk'ahá ts'ihin ntsja kō je kas'eya animaha nga b'a incha ts'iin. Najmi tu kjuakjan tjintujihin nga b'a incha ts'iin kō tsa kjuastinta.

⁹ Kō máha jminchjün, mjena nga najmi tu ni xi nkjün ts'in k'uénda yjoho, tsa tu xi b'a ts'in nda skuehe ra xuta xingisoo. Katenkjün ní yjoho kō nijakjua kat'asje. Najmi tu nihi xi nkjün ts'in kat'énda ntsjaha, tsa ts'iintsejnúhu yjoho toonsine kō tsa ndjiō tsjo k'un perla, kō tsa ngjua najyun xi 'yún chji. ¹⁰ Xá xi nda ní n'e, kui niu xi tsjo ts'in katakúhu, xi nkú ts'in tjeheñ ra jminchjin xi ja kitsjáha yjoho nga skuenkjün Ntíaná.

¹¹ Jyu katasínñju jminchjün ni xi tísakúyaha kō kant'é'éheñ éen. ¹² Najmi tsjanté tsa nku tachjuún kuakúya aya ninku kō tsa kui nk'a kjuaha jáx'iun. Tu sa ní jyu kat'ejña. ¹³ At'aha najmi Eva tjun kin'enda, tjun ní Adan kin'enda. ¹⁴ Kō najmi Adan xi kich'anachaha. Tachjün ní xi kich'anachaha kō b'a ts'in tsijnejihin ngatitsun. ¹⁵ Tunga n'ek'ankihí jminchjün nga kuasehe ntí xi

s'ehē, tsa ndjá kuinchajin ni xi s'ejinná ko kjuatjoo ko ni xi je nginkun Ntíaná, ko tsa nda s'eyaha.

3

B'i ts'ín tsakúya Pablo má jáha xi kama ts'ín xáha ninku

¹ Én xi ma n'e s'ejin xu'bi. Tsa tjín xi mjehe kuasehe xuta ninku, nda tjín xá xi mjehe. ² Tunga katumahá nda xi kuasehe ninku nku nda xi najmi tjín ni xi chubayanéhe ra, xi nkuhú maha chjuuhun, xi kixi fiko yjoho, xi nda basehe ni xi ts'ín, xi benkjúhun xuta, xi nda ts'ínkjáihin xuta ni'yaha, xi maha bakúyaha xuta, ³ xi najmi 'yún 'bi binu, xi najmi kitsa ma kjahan, xi nda animaha, xi tsjoho kjuajyu, ko xi najmi toon mangimjehe.

⁴ Tjihin nga nda ts'ín kuatéxumaha xuta xi tjín ni'yaha ko ts'ín nga ntíhi kuint'é'éhen ko nga kixi skuenkjúhun. ⁵ At'aha nku nda xi najmi maha batéxumaha xuta xi tjín ni'yaha, ¿nkú ts'ín kamaha ra kúntaha ninkuhu Ntíaná?

⁶ Ko najmi tjihin nga s'et'a xá nku nda xi as'ai kis'ejihín ra Ntíaná, tu xi najmi nk'a k'uasjehe yjoho ko kuijneihin ngatitsun xi tsijnejin ndanindoo ko b'a ts'ín n'enijéhe ra. ⁷ Nda xi mjehe xá xu'bi ta tjihin nga ja yankjún ajihin xuta xi najmi s'ejihin Ntíaná, tu xi najmi ch'a ch'on ts'ín kuinchjayanéhe ra ko tu xi najmi kuijneihin kjuamañaha ndanindoo.

⁸ B'a ta tjín ts'e já xi basinko já xi basehe ninku. Tjihin nga já xi benkjún yjoho s'et'a xá, xi najmi nchja én tsank'á, xi najmi b'atihí nga 'bi binu, xi najmi mjehe toon xi ch'on ts'ín sakú. ⁹ Tjihin nga

ndjá katinchajin ni xi s'ejinná, ni xi kis'ejña 'ma n̄stjin nk'ie k̄o t̄s'ejña chji nd'ai, k̄o je kas'entuyá kjuankjintak'uhun. ¹⁰ Tjun kachase sisih̄in xi nkú ts'ín t̄jíma já xu'bj̄. Tsa najmi chumi nihi xi sakújin, kas'et'a xá nga kuas̄inko já xi basehe n̄inku.

¹¹ K̄o b'a ta ts'ín jminchj̄un, t̄j̄ihin nga katenkjún yjoh̄o, najmi tu én tsank'á k'uas̄jené xuta, kixi katjiko yjoh̄o, k̄o katuma 'yún tak'aán.

¹² Nkuhú chjuún kas'ejñaha nda xi k'uai xáha nga kuas̄inko já xi basehe n̄inku. T̄j̄ihin nga nda ts'ín kuat̄exumaha nt̄ih̄i k̄o xuta xi t̄j̄in ni'yaha. ¹³ At'aha xi kixi fiko xá xu'bj̄, kui xi yankjún ajih̄in xuta xingisoo k̄o najmi jo jan maha nk'ie nga b'énjmi nga ja kis'ejih̄in Jesucristo.

¹⁴ Ndaha tsa mjena kf̄inse xat̄ihi, tunga t̄ib'et'áhá ra ni xu'bj̄ ¹⁵ tsa tu aha k'uañdayana nga kf̄insehe. T̄ib'et'áhá kui nīi tu xi b'a ts'ín chahani xi nkú ts'ín xuta xi ts'e Nt̄ianá, kui xi xuta n̄inkuhu Nt̄ianá xi t̄j̄ña t̄ik'uun. T̄īncha kjanínk'a k̄o tsjá nga'yúhun én xi naxu t̄j̄in.

¹⁶ T̄j̄ña chji chji nga 'yún tse ni xi y'aha ra ni xi s'ejinná, kui nihi xi kis'ejña 'ma n̄stjin nk'ie k̄o ja y'ejña chji Nt̄ianá nd'ai.

Tsakúchji yjoh̄o nga kik'a yjoninte,
y'ejña chji Espiritu nga kui xi naxu.

Nt̄itsjee k̄ikiehe,

kis'enj̄mih̄i ajih̄in xuta.

Xuta asunntej̄ kis'ejih̄in kui,

k̄o ngji ngáha má t̄j̄ña kjuachánkaha.

4

B'i ts'ín kitsúyahā Pablo Timoteo nga s'e xi ngjuai t'axihin én nda tsuhu Cristo

¹ Tsuya chji chji Espirituhu Ntíaná nga nistjin xi fekuu s'e xi ngjuai t'axín kō nga najmi tā s'ejihin rā Ntíaná. Tsjénnkihi jáninda xi k'uanachaha xutā kō ni xi kuakúya jánindoo. ² Kui niu xi kuitsuya já maña tsank'á xi tu tsjohó rā bakúchji xi nkú ts'ín benkjún Ntíaná, kui já xi ja tsatsun kjuankjintak'uhun.

³ Kui jóo najmi ts'ínj'ō nga bixan xutā kō b'éch'o má nihi xi najmi ma chine, nichine xi Ntíaná y'éjña nga kjine xutā xi s'ejihin Ntíaná, xi ja kikié ni xi naxu tjín kō tsjáha má b'achjīhi Ntíaná nk'ie nga kjine ni xi tjín. ⁴ Nda ní ngayjee ni xi kits'ínnda Ntíaná. Najmi tjihin nga n'e t'axiáán niu tsa k'uaihi máb'achjīhi Ntíaná nga títjáná. ⁵ At'aha bichú ma je nginkun Ntíaná ni xi sakúná nk'ie nga mankjinná éhen Ntíaná kō nk'ie nga chubakaá Ntíaná.

B'i ts'ín kitsúyahā Pablo Timoteo xi nkú ts'ín k'úéjñajihin xuta ninku

⁶ Nda ts'ín n'exát'aihi Jesucristo tsa b'i ts'ín kuakúyaihi já nts'eé. Kasakú nga'yúnkoīhi én xi s'ejinná, én nda xi tsinchiyái kō kich'ai. ⁷ Najmi tu n'esihin échá nchini xi ts'e asunntei. N'enkahī animahī ni xi ts'e Ntíaná. ⁸ Kjuaxi kjáihin nga nk'ie nga n'enkahaá yjoná nku ni, basinkoho yjon-intená. Tunga 'yúhún basinkoná nga n'enkahaá animaná nga chanjáán Ntíaná. At'aha nga tíyankjáán Ntíaná, kui xi basinkoná xi nkú ts'ín

tintsubaá nd'ai ko ta xi nkú ts'ín kuintsubaá askahan.

⁹ Én xi ma n'e s'ejin xu'bi ko ngayjee xuta tjihin nga ts'ín s'ejin. ¹⁰ Kui kjuaha 'yún tín'exáhaná ko tí'baihi raá kjuanima yjoná, at'aha tíchuyáá ni nda xi tsjáná Ntíaná xi tíña tík'un. Kui xi maha ts'ínk'anki ngayjee xuta, xi s'ejihin kui b'aha ra nga ts'ínk'anki.

¹¹ B'a ts'ín tjenniyáíhi xuta ko takúyaihi. ¹² Najmi tu ch'a xi tu tohón katumaha ji at'aha ndati. Nk'ie nga skuehi xuta xi s'ejihin Ntíaná xi nkú ts'ín chubai, xi nkú ts'ín tinchin, xi nkú ts'ín n'etjói xuta, xi nkú ts'ín s'ejihin Ntíaná, ko xi nkú ts'ín je tinchin nginkun Ntíaná, ta katumaha kui ni.

¹³ N'eyajihin xuta ninku éhen Ntíaná, takúyai ko tjen nga'yúihin santaha nga kuichá yo. ¹⁴ Najmi tu n'e nga mahi yohi kjuanda xi kik'aihi nk'ie nga kitsjáhi éhen Ntíaná já xi Ntíaná kits'ínkinchaha. B'a kama nk'ie nga kingjénnehi ntsja jáchaha xuta ninku. ¹⁵ Nda n'esihin ni xu'bi ko tisijnjajin, tu xi skuehe ngayjee xuta nga tíxubáya ni xi kik'aihi. ¹⁶ Chihin yohi ko nda chasehi ni xi tibakuyái. N'etjusun tehentei ni. Tsa b'a n'ei, n'ek'anki yohi ko ta n'ek'anki xi tincha basínjiji.

5

B'i ts'ín kitsúyaha Pablo Timoteo xi nkú ts'ín ts'ínxáko xuta ninku

¹ Najmi tu ndjá chubakoi nku nda chá. Tjenniyáíhi xi nkúhu tsa na'mihi maha. B'a ta n'ekoi já xunkúu xi nkúhu tsa já nts'ei maha. ² Ko tjenniyáíhi jminchjín chóo xi nkúhu tsa náhi maha,

ko istinchjín xunkúu xi nkúhu tsa nichjai maha. Je kas'eya animahi nk'ie nga tjennyáíhi jminchjín.

³ Tisinkoi jminchín xi ja k'ien x'ihín, kui xi najmi ch'a xi tjíhín. ⁴ Tunga tsa nku tachjuún xi ja k'ien x'ihín xi naa ko tsa nachá tí'mi, xi títsu naa ko tsa nachá, kui xi tjun katuma chubayahá ni xi tjíhín nga ts'ín at'ahá ja s'ejihín Ntíaná. Kats'ínk'óya ngáha rá kjuanda xi kitsjáha xi cháha nk'ie nga kjintí. At'ahá kui nij xi sasíhín Ntíaná.

⁵ Nku tachjuún xi ja k'ien x'ihín ko xi najmi ch'a xi tjíhín, kui xi kuyá nga Ntíaná kuasinkoho. Nistjin nistjen nchjako Ntíaná nga bankihí ni xi machjéhen. ⁶ Tunga xi ja kits'ínkjas'eheñ yjoho kjuatsjo xi tjín, kui xi ja k'ien ndaha tsa tijná tik'un sa.

⁷ N'ek'a nyákoj xuta ninku ni xi kuaxihin, tu xi najmi chubayanéhe ngat'ahá ni xi tijncha ts'ín.

⁸ At'ahá xi najmi nkjún maha xuta xinkjín, b'ahá rá xi tjintu ni'yahá, kui xi títs'ín t'axín xi s'ejinná ko 'yún ch'onk'un sa nga xuta xi najmi s'ejihín Ntíaná.

⁹ Tu j'áíhín ní jminchjín xi k'ien x'ihín, xi ja tjíhín cháte ko te nú, kui xi kas'et'a xujun, xi nkuhú x'in kis'ejnáha, ¹⁰ xi behe xuta nga nda kits'ín, xi 'mihí nga nda ts'ín kits'ínchá ntíhi, nga nda ts'ín kitsjantehe xuta ni'yahá, nga nda ts'ín kits'ínkjáíhín xuta xi ts'e Ntíaná, nga nda ts'ín tsasinko xuta xi un kiekehe ko nga ngayjehe animahá kits'ín ngayje tijká ni xi nda.

¹¹ Jminchjín xi ja k'ien x'ihín tunga kjintíhí sa, najmi tu b'et'a xujun. At'ahá nk'ie nga kuinchja animahá, ngjuai t'axíhín Cristo ko kama mjehe nga kuixan ngáha. ¹² Kui niu n'enijéhe rá, at'ahá najmi ngjikondju ni xi tjun kits'ínkjas'eheñ yjoho.

¹³ Kō ni xi incha ts'ín ya, ts'e ma kō xkī ni'ya incha b'ema. Kō najmi tū suba ts'e ma, én ní ya incha b'emako kō tsungijin yjohō tū mí nihí ni, kō nchjā ni xi najmi tjihin nga kuinchjā. ¹⁴ Kui b'a maha, mjehena nga kuixahan jminchjín xi ja k'ien xihin xi ndyja saha, kō nga s'ehe ntí kō nga kuasehe ni'yaha, tū xi b'a ts'ín najmi tsjantehe tsa kuinchjāyanéhe rā xi fi kontraná. ¹⁵ At'aha tjin xi ja ngji t'axín kō yjankihī Satana nd'ai.

¹⁶ Tsa ni'yaha xuta xi s'ejihin Ntjaná tjintut'á jminchjín xi ja k'ien x'ihin, katsjáha ni xi machjéhen, tū xi najmi ch'á kamaha rā xuta ninku. B'a ts'ín xuta ninku kama kuasinkoho kj'ai jminchjín xi ja k'ien x'ihin xi najmi ch'a xi tjihin.

¹⁷ Kō máha jácháha xuta ninku xi yja tíjūn nga nda ts'ín tífindjuko xáha, kui xi 'yún kayankjūn, b'aha rā xi tjihin xá ts'e s'énijmí kō xi bakúya éhen Ntjaná. ¹⁸ At'aha b'a títu éhen Ntjaná: “Najmi tū tsa b'e'ai ts'a chu xi tíasine tuniñu nga tíbitjía.” Kō b'a tā ts'ín tjit'a ya: “Nda xi tít's'ínxá tjihin kixi nga kamachjíhi.” ¹⁹ Najmi tū n'esihin xi kuatéjéne nku ndacháha xuta ninku tsa najmi tjihin tsa jo kō tsa jan já testiyu. ²⁰ Tunga máha xi tū nku tíncha ts'ihín sa ngatitsun, kui xi nginkun ngayjee xuta ninku n'ek'a niyái, tū xi kas'ejña nkjúhūn rā xuta ninku.

²¹ Nginkun Ntjaná kō Jesucristo kō ntítsje xi ts'e, títbankihi nga n'etjusuin ni xi tixihin. Najmi tū ngabi n'ei nga chaseihī xuta. Nkuhú n'ei. ²² Najmi tū ch'a chūbā mjenéi ntsai nga k'uai xáhi. At'aha tsa chūbā k'uai xáhá ri, n'engujin yjohi ngatitsuhun. Je katumai.

²³ Najmi ta tu nku ntánijua s'ihini. Tu sa ní s'i ichí kō binu tu xi kamandaha kants'ai kō kuitjuxín ch'in xi nkjin niyá tsjáhi kjuasti.

²⁴ Tjín ngatitsun xi yaha kintehe ni nga n'ekokjua xi b'a kits'íun, kō tjín ngá xi yaha askahan. ²⁵ B'a ta ts'ín ya chji chji ni nda xi ts'ín xuta, kō ni xi najmi tjíntuchjí nd'ai najmi kama s'entu'má tehente.

6

¹ Máha xuta musu xi kich'atse, b'i ts'ín kats'ínnkjink'un ngat'a ts'e jántjiaha. Katenkjún kjuaxi jóo, tu xi b'a ts'ín chankjúhun Ntíaná kō ni xi títakuyáá. ² Kō xi tjíhin já ntia xi s'ejihin Ntíaná, kui xi ta katenkjún, ndaha tsa já nts'e ja tsichu ma jóo. Tu sa ní nda ts'ín kats'ínxát'a saha, at'aha tjoho xi tít'ínkjáihin xáha kō at'aha ta s'ejihin Ntíaná.

Kui ni xi takúyaihi kō tixínyaihi xuta ninku.

B'i ts'ín tsakúya Pablo ngat'a ts'e tooon

³ Tsa tjín xi kj'ai ni títakúya, nga ja ngji t'axíhin ni nda xi tsakúya Nda Ntíaná Jesucristo kō kjuatéxuma xi bakúyaná nkú ts'ín chankjáán Ntíaná, ⁴ xi b'a ts'íun, kui xi chuba nk'ahá tít'asje yjoho. Najmi chumi nihi xi be. Najmi nda tít'ínnkjink'un kō chuba mjehé ra k'uékjoko xuta kō k'uésiyáha tu mí éhen ni. Kui xi b'éntje kjuaxintak'uun kō kjuakjoon, nga ch'on tsuhu xinkjín xuta kō nga najmi s'ejihin xinkjín, ⁵ nga kjánkō tehente xinkjín xuta xi ngakjá ts'ínnkjink'un kō xi najmi tjíhin ni xi naxu tjín. Kui jóo xi ní xi ts'e Ntíaná ma nchinántjaihi.

⁶ Nga ní yankjáán Ntíaná, kui xi kjuanchiná chánkaná, kui nga najmi tã kj'ai nihi fasihin raá. ⁷ B'a tjin at'aha najmi chumi nihi xi jáikaá asunntei kō najmi chumi nihi xi kuankínko ngáhaná. ⁸ Kui b'a maha, tsa tsakúná nichine kō najyun xi tindyjáá, tsjo kat'ená.

⁹ Xi mjehe kama nchiná, kui xi najmi maha b'éch'oho yjoho ni xi nchjaha animaha, kō ngayjee ni xi ma mjehe b'éta'yúhun niu. Nkjin tjkjá ni xi ma mjehe, tunga tu a nihí niu kō ts'in'uhun. Ts'ínkatsúhun kō ts'ínndyjaha niu. ¹⁰ At'aha nk'ie nga 'yún mjehe toon xuta, yo nibáha ra ngayje tjkjá ni ch'onk'un. Tjin xi b'a incha kits'in, 'yún incha kama mje saha toon, kui nga ngji t'axihin ra kō najmi tã kis'ejihin ra Ntíaná. B'a ts'in tã kui tã maha kits'in'uhun ra yjoho.

B'i ts'in kitsjányáha Pablo Timoteo

¹¹ Tunga máha ji xi Ntíaná ts'ehi, tiyú t'axihin ngayjee ni xu'bi. Tinchinjin ni xi naxu nginkun Ntíaná, chankjún Ntíaná, kō tu nku n'e s'ejinní Ntíaná. Kas'ehi kjuatjo kō kjuatsenta kō kjuanimatak'un. ¹² N'e sahani nga'yún nga ch'ai xi s'ejinná. Ch'a ntsjan ntsjain xi ts'ínk'íejña tík'un sínná, at'aha j'ájihin nga kuinchun tík'uin. Kui kjuaha nga tsixinyahani nga s'ejihin Jesucristo nginkun nkjin xuta.

¹³ Ntíaná xi ts'ínk'íentu tík'un ngayjee xi tjin kō Jesucristo xi kitsúya yáha kui nk'ie nga kin'ekokjua nginkun Poncio Pilato, tincha be nga tib'exáha. ¹⁴ N'etjusun sisin ni xi tixihin kō najmi tu kas'e má ndyjajihin. B'a n'ei santaha nkúhu nga kj'uaíkúhji yjoho Nda Ntíaná Jesucristo. ¹⁵ Kui xi kj'uaí nk'ie

nga kuichú chuba, chuba xi Ntiana y'éña, at'aha Ntiana xi n'etsjohō kō kui xi batéxuma suba, kui xi Nda rejhi já rej kō Ntiaha já ntia. ¹⁶ Nku tutu kui xi najmi maha ndyja, xi tijnajin nd'í nga najmi ch'a ma bichúk'un tiñaha, xi najmi kjee ch'a behe kō najmi ch'a ma base'aha. ¡Kui xi tu nkjéhé ni kayankjún kō kasakúchji nga'yúhūn! B'a katuma.

¹⁷ Já nchiná xi tjin asuntej n'ek'a niyái nga najmi tu nk'a k'uasje yjohō kō nga najmi tu kjuanchináha kama 'yún k'un, at'aha maha fe kjuanchinóo. Ntia níná katuma 'yún k'un, kui xi tsjáná ngayje tíkjá ni xi machénná tu xi nda ts'in kujntsubahaná. ¹⁸ B'a t'ihin já nchinóo nga kats'in ni xi nda kō nga kui niu xi katuma kjuanchiná ndaha. Katsjáha xuta xingisoo ni xi machjéhen kō najmi tu kats'ínxkíhin xuta ni xi tjihin. ¹⁹ Tsa ts'ín kui ni, s'ehe kjuanchiná nda xi kuasinkohō kō sakúhu nga k'úéntu tík'un xi nkú ts'in tjeheh ra.

²⁰ Ji Timoteo, n'etjusun sisin ch'á xi kich'anji. Najmi tu nungijin yjohi én tiya xi tjin asuntej kō ta ndaha ni tsank'á xi b'ésiyáha xuta xi b'a tsu nga tjihin kjuankjintak'un. ²¹ At'aha tjin xi kits'in s'ejin kjuankjintak'un tsank'á xu'bo kō b'a ts'in incha ngji t'axíhin ra xi s'ejinná.

Kjuandaha Ntiana kas'enūu.

Éhen Ntíaná
New Testament in Mazatec, Jalapa de Díaz
(MX:maj:Mazatec, Jalapa de Díaz)

copyright © 2013 Wycliffe Bible Translators, Inc.

Language: Mazatec, Jalapa de Díaz

Translation by: Wycliffe Bible Translators, Inc.

Mazateco, Jalapa de Díaz [maj], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Jalapa de Díaz

© 2013, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

e05183c2-7c34-5cdd-8c78-15ea51bd8cbb